

摘藻堂四庫全書薈要

集部

欽定四庫全書舊要

御定歷代題畫詩類卷六十六目錄

神鬼類

觀揚之美畫

宋梅堯臣

次韻章禹直開元寺觀畫壁兼簡李德素

宋黃庭

堅

題汪季路侍郎所藏吳道子天龍八部

宋樓鑰

金神夜獵圖

宋姜夔二首

題松窩蔡先生家藏李伯時西嶽降靈圖明詹同

雷殿畫壁明鄧韞

遺張仙畫乃作灌口像明湯顯祖

題關將軍四畫明王世貞

題舊鍾馗宋蘇轍

蒲生鍾馗圖宋文同

終南進士行題馬麟畫鍾馗圖元薩都拉

鍾馗像元唐肅

鍾馗部鬼圖

元鄭元祐

馗妹圖

元鄭元祐

鍾馗圖

元馮海粟

題鍾馗役鬼移家圖

明劉基

鬼獵圖

明凌雲翰

鍾馗畫

明凌雲翰

題鍾馗移家圖

明李暉

鍾馗殺鬼圖

明劉溥

題梁楷畫鍾馗明蔣主孝

鍾馗騎驢圖明程敏政

鍾馗元夜出遊圖明吳寬

戲題錢叔寶臨鍾馗移居圖明王世貞

題龔翠巖中山出遊圖元宋无

題龔翠巖中山出遊圖元韓性

中山出遊圖元王肖翁

中山出遊圖元李鳴鳳

中山出遊圖

元釋宗衍

和江鄰幾學士畫鬼拔河篇

宋梅堯臣

欽定四庫全書薈要卷一萬九千二百七十四

集部

御定歷代題畫詩類卷六十六

神鬼類

觀楊之美畫

宋梅堯臣

天官乘車建朱旗赤旛前亞風卷披二龍緩駕蒼髯垂
印箱傍挈文籍隨雙驂推輓如畏遲行從冠服多威儀
水官自有真龍騎兩佐並跨鯨尾螭步趨羣吏怪眼眉
雲生海面無端涯雷部處上相與期人身獸爪負鼓馳

後有同類挾且搥次執電鏡風囊吹青蛇有角魚足鬚
上下引導神所施地官既失不可知此畫傳是閻令為
設色鮮潤筆法奇綃理膩滑雞子皮吳生龍王多裂隳
八軸展翫忘晨炊李成山水曉景移黃荃花竹雀擁枝
韓幹馬本摸搭時神駿都失存毫釐日高腹枵眼皆眊
邂逅獲見何言疲厚謝主翁意不衰他日飽目看無遺
次韻章禹直開元寺觀畫壁兼簡李德素

宋

黃庭堅

丹青古藏壁風雨飽侵食拂塵開藻鑒志士淚霑臆靈
山遠飛來不可以智測龍神湛回向擁衛立劒戟依稀
吳生手旌旆略可識鴻濛插樓殿毫髮數動植廣牀瞻
二聖有衆供萬億飛行湊六合攬取著一席人人開生
面絕妙推心得李侯天機深指點目所及三生石上夢
天樂鳴我側幽尋前日事晦明忽復易章生南溟鵬籠
檻鎖六翮能同寂寞遊濁酒聊放適西風葉蕭蕭蟋蟀
依牆壁家無萬金產四鄰砧聲急藜羹傲鼎食藍縷亦

山立並船有歌姝粉白眉黛黑期公開顏笑醉語雜翰
墨不須談俗事祇令人氣塞

題汪季路侍郎所藏吳道子天龍八部

宋樓鑰

妙絕天龍八部圖細看真不失鎚銖聲名自足高千古
題品尤難遇二蘇旌旆冕旒猶可想鬼神人物亦何殊
君看坐位蘭亭草費盡工夫學得無

金神夜獵圖 二首

宋姜夔

半夜金神羽獵奔走山川百靈雲氣旂旗來下颯然已
入青冥

後宮嬋娟玉女自控八尺飛龍兩兩鳴鞭爭導綠雲斜
墜春風

題松鶴蔡先生家藏李伯時西嶽降靈圖

前二人
騎行後

三人徒步狀若馳獵者其最後則有雲氣神人
居中嗟夫禹鼎象姦齊諧志怪世或有之但恨
無胥臣之多聞子產之博物厯覽載籍未
遑夷考模寫畫像為作短篇以俟知者

明
詹 同

龍眠居士畫入神展畫冥搜畫中意白日杲杲人出畋
長風蕭蕭雲拂地前有一匹雪色駢次有一匹玄花驄
兩人冠服何其雄若非將相應王公繁纓寶鞍金匱匣
各持羽箭懸雕弓後有三人總徒步蒼鷹黃犬行相從
雲中欸見光燦爛玉輅瑤輿下霄漢不駕紫鳳白麒麟
海犀天馬多奇玩鸞旌虎節旋低昂星仗霞幢互繚亂
無乃朝辭太華峰得非曉過雲臺觀輦中坐者真天人
冕珠龍袞儼昭煥金童玉女續往來慶雲為馭天為階

長眉刷翠面如月，知有道骨無塵埃。令人可望不可及，
恍惚雲中相出入。衣霓玉井碧蓮香，旗翻仙掌露華濕。
我識泰山封禪書，不識此畫當何如。人言西嶽降靈圖，
西嶽或有人間無。

雷殿畫壁

明 鄧 韜

藝苑有精能，凝神始臻理。筆端具天人，難以茫昧擬。致
道古仙都，山水麗清美。雷宮設像畫，種種盡其技。畫得
宋名手，善造天神鬼。淳古出道逸，意態得深旨。左壁挾

風雲沙礫捲空起有神操火具怒目流睒視當其馘所
及妖窟蕩無址右壁已淋落雲氣來纚纚似聞轟雷車
不及掩其耳南壁雲驂驪霆旌建旖旎有神披介冑軀
偉髯奮紫執爰見真宰如以職備使北壁當晦冥相去
不辨咫尺有神手天瓢九龍運其水勢欲翻九河雷伯鼓
未已社神走闐闐恐懼違箴詈白旆颺雲表奉令察臧
否靈祠本清肅長夏頽無沘入門見壁畫鮮不生戰慙
假令革其頑像教良有以邑史有朱生運筆妙莫齒吮

毫追其踪三歎遜前軌道玄貌冥獄施帛日雲委惟以
神妙故歸命雜悲喜歲月如水流藝學日零圯君看郭
恕先畫妙託仙死

遺張仙畫乃作灌口像

明
湯顯祖

青城梓浪不同時水次郎君似別姿萬里橋西左丞相
何知却是李冰兒

題關將軍四畫

明
王世貞

轅門黑燄草頭靡漁陽突騎俄已矣砧然一聲如裂兕

刀纓絳髮鋒血洗白馬城頭鼓初起北人魄奪南人喜
兗州冀州兩國賊委質酬恩竟誰是有身終為豫州死
猷顏良

鯨波漲天天為赤鼉鼓殷城城欲圻七軍肉臭魚不食
于侯吞聲龐侯吒爾龐七尺殉漢賊碧眼小兒黠於鼂
麥城將星忽中墮高廟神靈扶不得有血還作西川碧
破七軍

金支翠旗掩靄中忽有赤驥騰秋空山都木客爭趨工

駝石白象鞭豐隆幻出七寶須彌宮有為之跡無為功
永寧同泰虛爭雄可憐南北民力盡一炬贏得都城紅
創玉泉

鼎湖龍髯久上天妖魄再作脩羅顛快意一掃猗池穿
彼髯何為扼我咽玄女再授軒皇權七家鏟削沉青煙
寧惟晉人脂其口度支歲歲饒金錢一奠北鹵三千年
平蚩尤

題舊鍾馗

宋
蘇轍

濟南書記今白須歲節鍾馗舊綠襦舉手托天欣見雪
破鞋踏凍可憐渠滔滔時輩今黃壤六六年華屬老夫
兒女未容翁便去銀瓶隔夜浸屠酥

蒲生鍾馗圖

宋文同

寒風酸號月慘苦梟飛狐鳴滿墟墓叢棘亂礪翳野霧
古社禿剝倒枯樹下有三鬼相嘯聚初行誰家作症忤
痛熱腫痒快嘔吐塞噎咽喉脹臍肚呼巫召覘使呪詛
翁驚嫗忙設賽具茅盤草船置五路飯盂炙串狼籍布

相共收斂各執去方此危坐歆且哺忽爾相視生畏怖
有神傑然駕巨牯前呵後擁役二豎叱神噉鬼充旦暮
其腹尚餒色躁怒鬼遙見之悉失措竄匿不暇相告諭
酒傾肉落雜穢污醜醜飛蕩身偃仆一入木底只四據
一尚把盞愕以顧一自隱蔽捩眦覷神用氣攝縛束固
前死八吻無十步計之嚼嚙或味飫蒲生胡為適爾遇
畫之滿卷無一誤筆墨醜怪實可懼持以贈余子何故
揺手不取一錢賂他日乞詩者尤屢試為言之寫其故

終南進士行題馬麟畫鍾馗圖

和李
五峯

元
薩都拉

老日無光霹靂死玉殿咻咻叫陰鬼赤脚行天踏龍尾
偷得紅蓮出秋水終南進士髮指冠綠袍束帶烏靴寬
赤口淋漓吞鬼肝銅聲剝剝秋風酸大鬼跳梁小鬼哭
豬龍飢嚼黃金屋至今怒氣猶未消髯戟參差努雙目

鍾馗像

元
唐肅

一片忠魂不可招夢中有敕賜宮袍生雖不食千鍾粟

死亦常為萬國豪
手擘山巒朝滅鬼
氣吞國厲夜無噪
曾攜小妹騎雙鹿
醉著接離秋月高

鍾馗部鬼圖

元鄭元祐

老髯足恐迷陽棘
鬼肩藤輿振雙膝
前驅肥身兒短黑
非髯嬌兒則已腊
後從衆醜服廝役
擔攜鬼脯作髯食
鬼肌未必能肥腩
舖之空勞髯手擘
彼瘦而巾褶長窄
無乃癯儒執髯役
其餘醜狀千百態
專為世人尸辟怪
楚龔寧老非其類
請問何由識其槩
想龔目睛爍陰界

行尸走鬼非殊派民膏民脂飽死後却供髯餐縮而瘦
無由起龔問其候有嘯於梁妖莫售大明當天百祿轉
物不疵癘民長壽

魑妹圖

元 鄭元祐

天寶治衰妹兄出白晝宮庭馘獍獠妹時何在不佐兄
靚妝自行妖嬈質後來形見知何所百鬼尊之莫敢覩
提劍躍馬從其兄每為人家守環堵老韓飢窮夜縛船
送之不去今幾年妹肯從兄肆屏逐我亦家富黃金錢

鍾馗圖

元 馮海粟

老馗兀輿二鬼肩一鬼勃宰袋影懸一鬼負劒帽帶旗
一鬼頂顱雙角駢老馗之婦輿蹣跚其荷輿者鬼婢虔
猫抱掌握鬼妾妍提其奩具雌袂玄攜枕而從服飾鮮
鼠蠍粘綴袴亦然擎擔最緩行李便鬼之嬰孺盛穿聯
囊包橐裏琴能仙瓠壺穹掛呼可憐揭竿之魅愁攀緣
最後甕鬼束縛椽尸而行者猶能前肌肉消盡骨骼纏
物怪種種來無邊神禹鑄鼎今幾年罔雨在此猶翩翩

吁嗟吁嗟問老天

題鍾馗役鬼移家圖

明劉基

髯夫當前鰲婦後
腊鬼作糧驅鬼負
虹蜺可駕雷可車
胡為役鬼來肩輿
乃知老馗未公正
怙威植私干律令
玄雲沉陰鬼怪多
馗乎馗乎奈爾何

鬼獵圖

明凌雲翰

終南進士乃好武
野魅山精皆部伍
蒐田也欲從四時
作氣恍如聆一鼓
銅鉦先鳴地欲裂
阜蓋後張風為舉

蹇驢足跛不受鞭良犬尾搖何用組錦條未許縱蒼鷹
鐵絙猶能縛玄虎跳踉衆鬼為卒徒矍鑠一翁作謀主
或為狼顧背拔鎗或作猱升前試斧鷗鳴口應已張弓
蛇偃肩擔來殼弩身憑大盾宛轉遮手弄飛槌高下舞
坐作擊刺衆莫當進退超驤孰敢侮猙獰似覺口吐牙
輕捷渾疑臂生羽逐禽不假御車輿獲獸何勞施網罟
亦如塵世有司存頗類神仙足官府畫工後輩效前人
戲筆何年追舊譜已無吳生名擅場復有顏輝好奇古

周易取象車載一韓子送窮名數五如斯情狀不易知
更欲形容亦良苦且須留取作歲除竹爆一聲春滿宇

鍾馗畫

明凌雲翰

北風吹沙目欲眯官柳搖黃拂溪水終南進士佷然起
蝟磔于思含缺齒袍藍帶角形甚傀烏帽裹頭鞞露指
白澤在旁口且哆馴擾不異麟之趾手持上帝書滿紙
若曰新歲錫爾祉一聲竹爆物盡靡明日春光萬餘里

題鍾馗移家圖

明李睦

綠袍進士掀怒髯飢來嚼鬼如蜜甜酸風苦雨攪白日
移家欲往山陰失隨兄小妹臉抹漆眼光射人珠的皜
鬼奴鬼妾千萬形蟹怪猫妖最蕭瑟勢能使鬼鬼不違
髑髏在後嗤鍾馗英雄如山堆白骨莫倚區區手中笏

鍾馗殺鬼圖

明 劉 溥

空山無人夜色寒鬼羣亂嘯西風酸綠袍進士倚長劍
席帽颭影烏靴寬燈籠無光照斜水怒裂鬼頭燃鬼髓
大鬼跳踉小鬼嚎滿地鷓鴣飛不起如今城市鬼出遊

青天白日聲啾啾安得此公起復作殺鬼千萬吾亦樂

題梁楷畫鍾馗

明 蔣主孝

虎口虬鬚真可怪如何不解縛人妖偷花竊笛渾閒事
忍見三郎萬里橋

鍾馗騎驢圖

為周可大
憲使賦

明 程敏政

陰風蕭蕭吹髮寒老馗夜踏山雨殘恨生不作中執法
誓死肯負唐衣冠驪山夢破一回首上帝毋煩六丁走
魑魅都歸鞭策中贏得騎驢袖雙手

鍾馗元夜出遊圖

明 吳 寬

終南老魑狀醜醜虎韡烏弁鴨色袍青天白日不肯出
上元之夜始出為遊遨鬼門關頭月輪高烏犍背穩如
駱駒鬼婦塗兩頰鬼子垂一髦徒御雜沓聲噉嘈導以
靈姑旗翼以大食刀茶壘左執鞭質矯右屬橐方明前
持漆燈張若後擁聲旄離末罔兩不可一二數肩擔背
負手且操奇形獐色使人怕一似獬豸兼猿猱戰
傷人血化燐火各出照地點點如焚膏陰風颯颯吹荒

皋百怪屏氣不敢號汝輩遠遁莫我遭我欲飲汝血甘
如飲醇醪我欲啗汝肉美如啗羊羔肯容汝輩在世長
貪饕吁嗟乎老魑真為百鬼中一豪所以唐皇想其像
詔令道子寫以五色毫憶當天寶年左右皆鬼曹太真
宮中逞狐媚祿山殿上作虎嘯當時設有老魑者安得
縱彼二鬼逃便須縛以蒼水使者所捫之赤條獻於天
閤尸諸獸牢寢其皮拔其毛效爾一日驅馳勞坐令溫
泉生汙泥驪山長蓬蒿上除唐家百年害下受唐史千

年衰却來上元夜任爾燒燈并伐礮

戲題錢叔寶臨鍾馗移居圖

明王世貞

開元宮中鬼稱母丞相中丞恣為蠱帝遣鍾君嗣黃父
逐鬼無功謫荒土山阿被羅者誰姥攜雛橐裝橫周路
髑髏啾啾泣相語夜半應煩老桑煑鍾君好往一返顧
木客跳梁山魑舞君不吾留稍安堵與君傳神叔寶甫
異日相逢莫相苦

題龔翠巖中山出游圖

元宋无

鄧都山黑陰雨秋羣鬼聚哭寒啾啾老尪豐髯古幞頭
耳聞鬼聲饒涎流鬼奴輿尪夜出游兩魑劒笠逐輿後
槁形蓬首枯骸瘦妹也黔面被裳繡老尪回觀四目鬪
料亦不嫌尪醜陋後驅鬼雌荷衾枕想尪倦行欲安寢
挑壺抱甕寒凜凜毋乃榨鬼作酒飲令我言口為噤
執縛魍魎血洒髀毋乃剝鬼為鬼鮓令我有手不能把
神閒意定元是假始信吟翁筆揮洒翠巖道人心事平
胡為識此鬼物情看來下筆衆鬼驚詩成應聞鬼泣聲

至今卷上陰風生老馮氏族何處人託言唐宮曾見身
當時身色相沉淪阿瞞夢寐何曾真宮妖已殘馬嵬塵
倏忽青天飛霹靂千妖萬怪遭誅擊鄴都山摧見白日
老馮忍飢無鬼喫冷落人間守門辟

題龔翠巖中山出遊圖

元韓性

是為伯強為謫狂睢眴鬼伯髯怒張空山無人日昏黃
迴風陰火隨幽篴辟邪作字魏迄唐殿前吹笛行踉蹌
飛來武士藍衣裳夢境胡為在縑緗中山九首彌荒唐

猶可為人祓不祥是心畫師誰能量筆端正爾分毫芒
清都紫府昭回光三十六帝參翱翔陰氣慘澹熙春陽
為君閣筆試兩忘一念徃復如康莊

中山出遊圖

元 王肖翁

老虺怒目髯奮戟阿妹新妝臉塗漆兩輿先後將何之
徃徃徒御皆骨立開元天子人事廢清宮欲藉鬼雄力
楚龔母乃好幽怪醜狀奇形尚遺跡

中山出遊圖

元 李鳴鳳

堪笑龔侯戲鬼神毫端寫出逼天真我貧不敢披圖看
恐作揶揄來笑人

中山出遊圖

元釋宗衍

老髯見鬼喜不嗔出遊夜醉中山春髯身自是鬼龍者
況乃前後皆非人楚龔老死無知己生不事人焉事鬼
吁嗟神鼎世莫窺此圖流傳當寶之

和江鄰幾學士畫鬼拔河篇


宋梅堯臣

蒲中古寺壁畫古畫者隋代展子虔分明八鬼拔河戲

中建二旗觀却前東廂四鬼苦用力索尾拽斷一鬼顛
西廂四鬼來背挽雙手碓下抵以肩龍頭魚身霹靂使
持鉞植立旗左偏拔山夜叉右握斧各司勝負如爭先
兩旁搥鼓鼓四面聲勢助勇努眼圓臂裊張拳擊捧首
似與暴謔意態全當正大鬼按膝坐三鬼帶韞一執旃
操刀探囊力指督怒髮上直筋舊纏虎尾人身又踣顧
簇藜短挺金鉞堅高下尊卑二十四二十四鬼無黃泉
角錐競強欲何睹曷不各各還荒埏



御定歷代題畫詩類卷六十六



總校官庶吉士

臣侍

朝

校對官庶吉士

臣

陳文樞

謄錄監生

臣

趙友彬

謄錄監生

臣

周燮

欽定四庫全書薈要

集部

御定歷代題畫詩類卷六十八

七

欽定四庫全書薈要

御定歷代題畫詩類卷六十七目錄

漁樵類

王摩詰捕魚圖

宋郭祥正

楊祕監秋江捕魚圖

金趙秉文

王右丞雪霽捕魚圖

元元好問

息軒秋江捕魚圖

元元好問二首

李營丘寒江晚捕圖

元王惲



題輞川捕魚圖

元袁桷

王摩詰春溪捕魚圖

元鄧文原

捕魚圖

元虞集

題馬竹所照磨捕魚圖

元虞集

題臨本捕魚圖

元柳貫

題捕魚圖

元歐陽玄

右丞春溪捕魚

元吳鎮

王摩詰春溪捕魚圖

元黃公望

高侍郎秋江捕魚圖元張翥

江鄉捕魚圖元鄭元祐

捕魚圖明汪廣洋

捕魚圖明陶安二首

春江捕魚圖明管訥

李龍眠畫雪中捕魚圖明唐之漳

清江捕魚圖明蔣冕

捕魚圖歌明吳溥

董端明漁父圖 宋陳子高七首

漁翁圖 元程鉅夫

為曹仲堅題漁父圖 元程鉅夫

題春江漁父圖 元楊維禎

秋江漁父圖 元劉秉忠

林志尹秋江漁父圖 明張以寧

西巖漁翁圖 明徐賁

漁翁圖 明吳寬

跋醉漁父圖 元王惲

醉漁圖 明李廷儀

醉漁 明傅汝楫

題醉漁圖 明鄭鵬

題漁娃圖 明楊慎

題鄭子實著色溪山漁樂圖 元龔璠

松雪臨郭熙溪山漁樂 元鄧文原

寒江漁樂圖 元陳樵

漁樂圖

元吳師道

題松雪臨郭河陽溪山漁樂圖

元白珽

江山漁樂圖

元謝應芳

漁家樂題漁樂圖

明劉崧

題漁樂圖

明王紱

題漁樂圖

明陸深

江鄉漁樂圖

明劉溥

題錢舜舉漁樂圖

明沈周

題漁樂圖

明陸深

江鄉漁樂圖

明劉溥

題錢舜舉漁樂圖

明沈周

漁樂圖

明徐渭

漁樂圖

漁村詩話圖

金堯懷英

題漁村圖

元虞集

漁村落照

明謝士元

漁村晚照圖

明朱諫

秋浦晚暈圖

明金幼孜

漁隱圖

元杜本

題賈原善典寶寒潭漁隱圖

明王瀚

題漁隱圖

明文徵明

題松溪漁隱圖

明僧元璞

題漁隱圖

明僧智莊

欽定四庫全書薈要卷一萬九千一百七十五

集部

御定歷代題畫詩類卷六十七

漁樵類

王摩詰捕魚圖

宋

郭祥正

魚躍魚沉都不知
垂竿只要得魚歸
天寒浪急魚難得
愁入蘆花日又西

楊祕監秋江捕魚圖

金

趙秉文

山蒼蒼江茫茫
鳥飛不盡吳天長
潮平漲落洲渚出
秋

風幾舍鱸魚鄉漁郎聚魚鳴兩槳輕曾觸破青山浪脩
鱗出水玉參差晚日搖光金蕩漾長林無聲楓葉丹清
波不動江水寒誰令此圖落塵土乃是楊侯造化之筆
端我披此圖四十載老去而今重見畫空留名字落人
間當日題詩幾人在漁人走利士走名得失與魚相重
輕笑把綸竿渺滄海浩歌直欲膾長鯨

王右丞雪霽捕魚圖

元
元好問

江雲澠澠陰晴半沙雪離離點江岸畫中不信有天機

細向樹林枯處看漁浦移家媿未能扁舟蕭散亦何曾
白頭歲月黃塵底笑殺高人王右丞

息軒秋江捕魚圖

二首

元
元好問

擲網牽罾太俗生煙波名利不多爭綠蓑衣底玄真子
可是詩翁畫不成

擊瓮喧天網截河得魚何啻一罾多漁郎不作明年計
奈此纖鱗細甲何

李營丘寒江晚捕圖

元
王惲

古人不地著所向無賦租漁蠶舟為家一葉縱所如斜
陽淡淡明江湖萬魚戢戢依寒蒲幾家罾網晚未已博
酒欲得松江鱸臥檣傍舫宿波面不爾風浪防艱虞何
當醉帶簑簪去添我煙波作釣徒

題輞川捕魚圖

元
袁
桷

洛口疾如箭駢頭頰尾鱗散網巖隈泊千漚水花勻輞
川蓮社侶百味不入脣時危涉飄蕩急管悲青春不如
漁師樂風水候昏昕連檣坐翁媪茗糜接婚姻永謝朝

市客炎涼生喜嗔

王摩詰春溪捕魚圖

元 鄧文原

輞川之景天下奇我惜曾聞不曾識若人筆端幹玄氣
萬頃煙濤歸咫尺漁翁生事浩無窮醉挹青藍洗胃臆
或披蓑笠臥寒蟾或倚孤篷蘸空碧靜觀此理良可娛
應須仰慕王摩詰

捕魚圖

元 虞集

網罟日相從天寒澤國空釣竿長倚樹老却渭川翁

題馬竹所照磨捕魚圖

元虞集

霜寒水淨已無魚，漁者縱橫網不疎。
羹食盡供晨市遠，炊煙猶待晚歸餘。
已知漠漠濠梁意，豈盡洋洋鄭沼如。
萬里江湖春雨闊，海鷗不去小舟虛。

題臨本捕魚圖

元柳貫

斬筏聯艚縛為柵，中流起罾如舉幕。
取魚計獲有且多，撥刺銀刀長數尺。
船頭五兩受風偏，雙槳乘之轉山急。
夜涼星斗滿川垂，煙銷鮫鰐騰空擲。
江鱗穿柳趁朝虛。

白粲裝囊供日食人生漁樂樂可知雲月為家天一席
翁歌媪醉兒嘯呼有酒盈甌無事役前林楓櫟疎欲凋
後岸茭蘆寒可剔自淮入汴昔所經野步荒郊曾自歷
祇疑輞口舊山川猶是高人畫時迹世言圖畫能象物
風土班班證今昔乾元去亂幾何年右輔分畿無數驛
畋漁樂業迺如此休養真堪遂生息臨摹甚似誰所為
大筆中藏十鈞力君不見舟車入算析毫釐漢皇經國
國未卑雖云山澤有厲禁魚麗以後非無詩

題捕魚圖

元 歐陽玄

太湖三萬六千頃，靈槎倒壓青天影。
大魚吹浪高如山，小魚卷鬣為龍盤。
羣魚聯腴代桴鼓，勢同三軍戰強擄。
長網大罟三百尺，攔截中流若環堵。
吳王宮中宴未闌，銀絲斫膾飛龍鷺。
大官八珍奉公子，猩猩脰膾鯉魚尾。
洞庭木落天南秋，黃蘆滿天飛白鷗。
江頭吹笛喚漁舟，與君大醉岳陽樓。

右丞春溪捕魚

元 吳鎮

前灘曾兮後灘網魚兮何所往桃花錦浪綠楊村
浦潑忽聞漁笛響我行笠澤熟此圖頓起桃源雞犬想
不如歸向茅屋底老瓦盆中醉春釀

王摩詰春溪捕魚圖

元黃公望

春江水綠春雨初好山對面青芙蓉漁舟兩兩渡江去
白頭老漁爭捕魚操篙提網相兩兩慎勿江心輕舉網
風雷昨夜過禹門桃花浪暖魚龍長我識扁舟垂釣人
舊家江南紅葉村賣魚買酒醉明月貪夫徇利徒紛紜

世上閒愁生不識江草江花俱有適歸來一笛杏花風
亂雲飛散長天碧

高侍郎秋江捕魚圖

元張翥

秋江水多魚唯唯海風驅潮葭蒹靡輕舸競載衆網出
欲向中流截魴鯉巨鱗有神不可獲騰沓波濤脫泥滓
最憐濡沫苓箸間小白鍼頭尖如指釣璜渭叟晚終遇
西塞玄真徵不起若人自是隱者徒豈比沙島漁蠻子
高髯能畫得玄理塗抹山川遊戲爾千巖萬壑堆白雲

稍著人家喬木底眼中之景何所似富春澤畔鷓鴣里
西臺蕭瑟秋風高脚底灘聲蕩清泚我當扁舟衝鴈過
彷彿厓根舊曾艤自知世外漁者材只合投竿老煙水
巨緇未辦五十牯草屨撈蝦從此始

江鄉捕魚圖

元 鄭元祐

人言東坡謫居海上時顧見漁釣之家樂嬉嬉問其生
涯煙波萬頃舟一葉問其日給蝦蟹小魚鱸日三炊有時
大魚入網即沽酒有時順風張帆即解維不知朝廷尊

嚴百官側枕聽雞起不知行役戴星出入世途愁險
叢蓬牕牖子女睡竹笛鳴鳴朝暮吹坡聞其言慘不樂
我身何有恒百罹瘴海南浮天接水家鄉往往夢見之
何如此漁者生不觸禍機麤衣糲飯既飽暖高蓋大馬
空奔馳我觀此圖重歎息無乃有似坡翁所見畫入無
聲詩金緋貴官一射獵漁釣江湖勞夢思投毫寫圖意
可見一舸秋風雙鬢絲

捕魚圖

為蕭楚
芳賦

明
汪廣洋

落花溶溶江水春江上好山如故人兩髯跼蹐事辛苦
舉網絕江遮巨鱗容儀頗亦類古雅匪特臨流羨漁者
天機妙發毫素間畫師豈是無心寫一髯長操百尺竿
一髯屹立當風湍後先指示若為語得失所繫何其難
綠髮小兒殊不癡解帶默默臨清漪偶然一飲坐樹下
鱸鮓有無初不期君不見任公子汎汎揚州弄雲水六
鰲駕出海上來未必竿頭能致此又不見張志和嘯歌
紫芝坐綠莎一絲風月亘終古眼底屑屑浮雲過覽君

此圖動深省世間萬事魚戲鼎唯有渭川姜子牙直釣
下釣滄波冷

捕魚圖

二首

明
陶安

操舟下網水波深幾簇漁家柳樹陰舉目紛紛爭為利
不知誰有子陵心

蓑笠衰翁凍欲僵溪風吹透稚兒裳幾多辛苦求鮮食
何似安居煮菜嘗

春江捕魚圖

明
管訥

玄真坊中老孫子老去今年不知幾綠蓑短短僅遮身
自小求魚足生理魚倉蟹舍小蓬門一帶編籬住江浹
昨夜青山得雨多門前三尺桃花水大家漁具都上船
水面紛然若浮蟻小兒捩柁立船梢老婦供炊在篷底
大繩屬網絕中流東船纔下西船起須臾兩船相向開
來往風波疾如駛前船得魚先上城後船回篙刺沙觜
此賓此主尚杯盤樵青已臥蘆花裏醒者尚釣醉者眠
東去西來隨所止不欠官家魚稅錢榮辱從來不干已

我家江南山水間，煙樹參差絕相似。
作客天涯未得歸，一見此圖心獨喜。
俸錢幾時當買山，小築茅堂三泖尾。
白頭方是謝官時，也學漁家從此始。

李龍眠畫雪中捕魚圖

明
唐之漳

玉龍行空不成雨，首觸銀河落秋浦。
帝遣神工種白榆，皓鶴飛來老鷗舞。
榜兒踏船依楚竹，不釣齊璜餌荆玉。
波寒月黑大星稀，萬斛驪珠豈勝掬。
夜闌緘素報麻姑，桑下塵飛海欲枯。
何如去作蓬萊主，五城不夜無寒暑。

清江捕魚圖

明 蔣冕

漁翁獨愛清江水，孤棹橫斜烟雨裏。
一聲款乃隔江聞，舉網得魚滿筐美。
老妻報道茅柴香，烹魚斛酒邀客嘗。
酒酣熟睡喚不醒，滿江風露天茫茫。
畫工曾向江頭見，幾度臨流歎羨歸。
來拈筆寫半幅畫，耶景耶皆莫辨。
客從何處得此圖，壁間彷彿成江湖。
應知濠濮不在遠，莊生乃是天之徒。

捕魚圖歌

明 吳溥

官河雨後春水渾夾河兩岸皆漁村捕魚但願魚課足
風波雖險寧足論大魚無多趁時賣小魚連船賤如芥
大魚賣錢須納官小魚得錢還酒債漁郎捕魚莫厭貧
官河魚米朝朝新勸郎莫厭漁業賤古來亦有非常人

董端明漁父圖

七首

宋陳子高

處處晴沙著釣綸浴鳬飛鷺頗相親誰知夙昔風雲會
只似尋常江海人

鱸縷絲絲雪色魚碧筩香細引村沽江天此樂誰無分

不問官家乞鑑湖

君王獵罷載熊羆
錫壤分茅合霸齊
邑有魚鹽太多事
脩然何似釣璜溪

傾吳佐越早經綸
朝市風波猛乞身
不道五湖春浪急
篷牕還有捧心人

志和漁隱古仙真
雲水風流見後身
蓑笠何須訪圖畫
貂蟬凜凜在麒麟

雷澤田漁翊聖明
射蛟南幸見升平
稍分天漢昭回象

更和江湖款乃聲

風煙回首釣魚臺
巾褐從容小殿開
自是玉皇香案吏
外邊休奏客星來

漁翁圖

元程鉅夫

漁翁牽纜漁婦紡
膝上兒看掉車響
溪南溪北趁冬晴
水急船多欠新網
祝兒休啼手正忙
網成得魚如汝長

為曹仲堅題漁父圖

元程鉅夫

風煙浩渺浪拍天
百帆齊開爭一先
輕舸蕩漾自來去

詩人曾賞古漁父山圍別浦樹參差水淨沙明人跡稀
大罾小罟較得失魴鱖暗作枯魚泣直針為鉤餌亦無
煙波不見真釣徒林中茅屋是誰子袖手無言方隱几
新得槎頭縮頸鱖

題春江漁父圖

元楊維禎

一片青天白鷺前桃花水泛住家船呼兒去換城中酒
秋江漁父圖

元劉秉忠

白蘋紅蓼滿滄洲江上青峰倒玉樓出沒不拘同水鴨

往來無繫伴沙鷗煙波圍繞幾漁舍天地橫斜一釣舟
蓑笠為渠相蓋管瀟瀟風雨不勝秋

林志尹秋江漁父圖

明張以寧

江風搖柳雲冥冥小漕釣歸潮滿汀賣魚得錢共秋酌
白酒船頭青瓦瓶樵青勸酒溪童舞擊甌唱歌無曲譜
船前野鴨莫驚飛我有竹弓不射汝

西巖漁翁圖

明徐賁

雲水平生一釣綸扁舟來往楚江濱自燒綠竹炊新飯

誰道烟消不見人

漁翁圖

明 吳寬

數株古樹荒溪濱一竿占斷如無人
溪深水聚魚亦聚誰遣兩翁當要津
葦間大舸何為者亦有長竿手中把
兩翁得魚慎勿爭只學收門取多寡

跋醉漁父圖

元 王惲

浪急舟輕任自由得魚歸去博新篳
醉來省記靈均語獨宿煙蓑笑不休

一
醉漁圖

明 李廷儀

短蓑宿雨晞殘濕一竿深坐磯頭石
捲綸歸去踏莎堤
笠影斜翻半山日紅杏橋邊有酒家
將魚換酒不須賒
醉倒竹根呼不醒夢魂隨月入蘆花

醉漁

明 傅汝楫

煙輕江上釣初迴呼伴攜魚換酒杯
便欲忘言醉蘆葦
獨醒恐有楚臣來

題醉漁圖

明 鄭鵬

去住一葉舟卷舒一竿竹朝從柳岸過夜向蘆汀宿魚
多不賣錢村酒換盈斛鮮膾簇銀絲芳香雜野藪老妻
笑傾壺稚子歌擊筑醉來橫短楫披襟坦便腹月明風
露淨遽然睡方熟隨流任所之自信穩於屋嗟彼塵世
間風波平地伏紱綬成拘攣車馬生跼蹙華亭鶴不聞
千秋傷二陸

題漁娃圖

明楊慎

碧玉深沉簪井邊綠珠魂斷舞樓前風流畢竟輸漁父

醉擁漁娃盡日眠

題鄭子實著色溪山漁樂圖

元 龔 璘

東風忽來吹綠雨
閒雲更學茗花舞
山中之人歸未歸
溪上漁舟泛春渚

松雪臨郭熙溪山漁樂

元 鄧文原

峭石浮嵐俯翠微
瀑流飛雨散林霏
漁舟來往清溪曲
悵望行人古道稀

寒江漁樂圖

元 陳 樵

菰蘆滿眼沙際天寒林古樹凝蒼烟長河不是天上來
緣何衮衮生筆端魚龍半隨風雨去舟人漁子空茫然
畫師胸中吞萬有吐出雲夢常八九

漁樂圖

元
吳師道

曾網縱橫來去船老妻含笑小童顛旁人競羨漁家樂
不道羣魚正可憐

題松雪臨郭河陽溪山漁樂圖

元
白珽

遠山近山何歷歷下有長溪橫一碧溪中亦有釣鰲手

此手不遮長安日野橋煙樹接草廬飛流如練懸空虛
截山白雲凝不去要人寫作巖居圖

江山漁樂圖

元 謝應芳

數口妻兒網一張船為家舍水為鄉江南江北山如畫
欸乃聲中送夕陽

漁家樂題漁樂圖

為曾朝佐
郎中賦

明 劉 崧

漁家樂船裏為家無土著朝朝日日大江邊長汀短汊
從灣泊醉眠飽食托煙波却笑傍人事耕作月明蓬上

蘆花飛雨打船頭
楓葉落蘆花飛出水
鰕魚秋正肥
侵晨相喚提網去
薄暮放歌收釣歸
夫妻白首長相聚
有脚何曾踏山路
教兒打網莫種田
長江有水無荒年

題漁樂圖

明王紱

遙天雨歇明殘霞
涼風颯颯吹蒹葭
晚來隨處可棲泊
五湖煙水皆吾家
得魚且覓秦橋酒
旋采溪毛雜菱藕
除著沙鷗孰可親
隔篷喚取鄰船叟
生計年年一葉舟
全家不識別離愁
婦能斫鱸兒行盞
一笛橫吹萬里秋

題漁樂圖

明陸深

平沙坦路有風濤，便欲移家傍此曹。
鼓櫂鳴榔自成趣，賣魚沽酒不辭勞。
拖藍檻水春雲膩，破白船牕夜月高。
收網一燈山下泊，綠蓑衣底讀離騷。

江鄉漁樂圖

明劉溥

桃花雨歇春潮長，江中鯉魚隨水上。
香蒲葉短白鷺飛，漁父乘船自來往。
船頭巨罾三丈餘，輓轆引綆如引車。
浪花觸船魚亂躍，兒女相顧爭歡呼。
江頭賣魚朝買穀。

晚來還向江頭宿老翁不愁兒不啼新婦船中炊欲熟

題錢舜舉漁樂圖

明沈周

長江無風縹秋碧鴨嘴平灘引南北水楓脫葉荻花飛
獨許紅龍占秋色東船老漁罾魚立手擘罾竿雙腳赤
清波照魚如可拾自見鬚眉還歷歷老妻背坐乳小兒
似厭大兒爭且索西船收綸唱歌返短棹弄波聲淅淅
一家妻子團團頭三泖五湖供泛宅得魚換米日日飽
鮮鯉活鱸為黍稷漁船兩葉天地間翻覺船寬浮世窄

與漁傳神雲溪老滿眼江河紙盈尺煙波情性漁不知
令漁見畫漁還惜

漁樂圖

明徐渭

一都寧止一人游一治能容百網求若使一夫專一治
煩惱翻多樂翻少誰能寫此百漁船落葉行杯去渺然
魚蝦得失各有分蓑笠陰晴付在天有時移隊桃花岼
有日移家荻芽畔江心射鰓一丸飛葦梢縛蟹雙鰲亂
誰將藿葉一筐提誰把楊條一線垂鳴榔趁獺無人見

逐岸追花失記歸新豐新館開新酒新鉢新薑搗新韭
新歸新鴈斷新聲新買新船繫新柳新鱸持去換新錢
新米持歸新竹然新楓昨夜鑽新火新笛新聲新暮煙
新火新煙新月流新歌新月破新愁新皮魚鼓悲前代
新草王孫唱舊遊舊人若使長能舊新人何處相容受
秦王連弩射魚時任公大餌剗牛候公子秦王亦可憐
祇今眠却幾千年魚燈銀海乾應盡東海腥魚腊盡乾
君不見近日倉庾少人食一魚一治容不得白首渾如

不相識反眼輒起相彈射蛾眉入宮驥在櫪濃愁失選
未必失自可樂兮自不擇覽茲圖兮三太息噫嗟樂
哉愧殺青箬笠

漁樂圖

為茅指
揮題

明僧來復

漁郎家住鷓鴣灣水雲千頃茆三間太平身不識官府
只將網罟營朝餐大兒扳罾露兩膊小兒鳴櫓垂雙鬟
煙波託命作畝畝蒲蓑不怕風雨寒東泛白蘋渚西泊
黃蘆灘水邊長覓鷗鷺伴天上那識鷓鴣斑得魚歸來

慰妻子收拾絲綸坐蓬底菱租剩有輸官錢沽酒街前
糴新米紫蟹黃金鰲白鯽丹砂尾錯雜羅盤餐交歡聚
鄰里有身誰無衣食謀昨日紅顏今白頭銅駝陌上車
如流擾擾塵土何時休我愛嚴子陵脫身如老鶴釣雪
桐江臺高情付寥廓人生何為困羈縛對此新圖想邱
壑扁舟弄月歌滄浪誰似漁家有真樂

漁村詩話圖

金
党懷英

江村清境皆畫本畫裏更傳詩話工漁父自醒還自醉

不知身在畫圖中

題漁村圖

元虞集

黃葉江南何處村
漁翁三兩坐槐根
隔溪相就一煙棹
老嫗具炊雙瓦盆
霜前漁官未竭澤
蟹中抱黃鯉肪白
已烹甘瓠當晨餐
更撷寒蔬共萑席
垂竿何人無意來
晚風落葉何毵毵
了無得失動微念
況有興亡生遠哀
憶昔採芝有園綺
猶被留侯迫之起
莫將名姓落人間
隨此橫圖卷秋水

漁村落照

明 謝士元

返照射江皋寒鴉閃歸翼理棹回中流澹彼南山色

漁村晚照圖

明 朱諫

落日遙遙江水綠一葉扁舟當華屋漁翁生計等浮漚
醉來每向滄洲宿野店吹煙幕高樹罷釣收綸且歸去
蒼鷗泛泛似留人逝水無情向何處世人皆巧我獨拙
鼓枻清歌日光沒磻溪舊事總不知手把深杯對明月

秋浦晚罾圖

明 金幼孜

蕭蕭落木水增波
敲岸風涼起棹歌
怪得漁郎羸笑語
晚來罾上得魚多

漁隱圖

為程子
純賦

元 杜 本

山下白雲縹緲水邊紅樹依稀
信有桃源深處漁人今亦忘歸

題賈原善典寶寒潭漁隱圖

明 王 瀚

君家舊在寒潭住
故寫新圖寄幽趣
木落秋山潭水空
猶把長竿倚溪樹
角巾野服身翩翩
髭鬚當年孟浩然

題漁隱圖

春夏秋冬
四首

明文徵明

江南雨收春柳綠
碧煙斂盡春江曲
十里蒲芽斷渚香
千尺桃花春水足
溪翁鎮日臨清渠
坐弄長竿不為魚
太平物色不到此
安知不是嚴光徒

江頭夏雨十尺強
晚波搖日空江涼
遊魚瀉灑樂深數
不謂人間有漁筍
筍得江魚不稅官
自食自漁終歲歡
輸租轉賦世途惡
漁家自得江湖樂

漁翁老去頭如雪
短笠輕蓑舟一葉
百頃魚蝦足歲租

十隻鷗鵲是家業橫笛朝衝柳外風浩歌夜弄波心月
不嫌湖上有風波世路風波今更多

煙沉風緊鳴蕭瑟江湖歲晚玄冥肅寒塘日出曉光浮
村甕茅柴酒初熟網得冰鱗不入城自漉瓦盆招近屬
款乃一聲煙水長葦深江靜然湘竹

題松溪漁隱圖

明僧元璞

我昔楚江上釣船時往還長歌送落日濯足對青山魚
遊春草裏鳥去白雲間此意孰能解忘言心自閑

題漁隱圖 二首

明僧智舷

江水悠悠白鷺飛
風埃吹不上荷衣
綸竿收起心無事
貪看青山却怕歸

此老行藏何太迂
不甘朝市釣江湖
江湖又欲逃魚稅
勾個漁舟隱畫圖

御定歷代題畫詩類卷六十七

欽定四庫全書薈要

御定歷代題畫詩類卷六十八目錄

漁樵類

雪麓漁舟圖

元王冕

溪山漁艇圖

元劉永之

題風雨漁舟圖

元胡長孺

題漁舟風雨圖

元吳澄

題漁舟圖

元吳澄

漁圖

明周用

漁圖

明徐渭

書漁舟扇面

明舒芬

漁舟夜歸圖

明陳顥

題趙子昂秋江漁艇圖

明貝瓊

題秋江漁艇

明陳繼儒

馬遠虛亭漁笛圖

元吳鎮

題畫蘆花漁笛

明李日華

次韻題文太史滄浪漁笛圖

明張鳳翼

題徐景顏教諭穀江漁者卷

明邵伯宣

周伯清秋江曬網圖

元李存

題網魚圖

明倪宗正

二漁負罾圖

明屠僑

春波嬾漁圖

明李日華

釣魚圖

元彭炳

輞川釣者圖

明練子寧

釣魚圖 明呂憲

釣魚圖 明莊景

釣魚圖 明李東陽

扇上釣魚圖 明賀欽

釣魚圖 明陳雷

題子昂江天釣艇圖 元陳旅

題盛子昭臨吳興公溪山釣船圖 明虞堪

為世賢題唐子華釣舟圖 明吳寬

沈啟南畫漁舟晚釣圖

明文森

為彭子弘題漁釣圖

元劉永之

題山水釣漁小畫

明程本立

春江獨釣圖

元王惲

春江獨釣圖

元倪瓚

春溪獨釣圖

明高啓

題秋江垂釣圖

元趙孟頫

題秋江垂釣圖

元虞集

題秋江把釣圖 元黃鎮成

秋江獨釣圖 元吳師道

題朱澤民秋江獨釣圖 元鄭東

題秋江漁釣圖 明林鴻

秋江獨釣圖 明王直

秋江釣舟圖 明陸深

寒江獨釣圖 元袁士元

寒江獨釣圖 元唐肅

獨釣寒江

明徐渭

空江獨釣圖

明陳旌

題滄江獨釣圖

明劉基

桐江獨釣圖

明商輅

題澄江釣叟圖

明廖道南

題田使者玉泉垂釣圖

元王惲

題長溪獨釣圖

元丁鶴年

題宋元凱都市寺為中正堂畫溪山晚釣圖

元鄭

洪

題雙松獨釣圖

元陶宗儀

次韻趙子野石城釣月圖

宋樓鑰

秋江釣月圖歌

元袁桷

黃清夫秋江釣月圖

元趙孟頫

題黃隱君秋江釣月圖

元范梈

釣雪圖

元袁桷

題寒江釣雪

元馬祖常

釣雪圖

元薩都拉

釣雪圖

明呂憲

寒江釣雪

明周復俊

寫立釣圖

明李日華

題罷釣圖

明張鳳翼

罷釣圖

明楊基

題鐵仲堅宣差所藏羅稚川煙邨圖

元劉詵

彷彿巨然煙艇

明李日華

題劉光朝小景圖

元陳泰

題小景

明張以寧

題子昂畫

明王達

題小畫

明謝矩

小景

明祝允明

為王章甫畫

明李日華

跋武元直漁樵閒話圖

金趙秉文

漁樵閒話圖

元王惲

漁樵問答圖

元 袁桷

漁樵問話圖

明 楊基

漁樂樵隱二圖

明 儲巖

題樵漁圖

元 貢師泰 二首

為陳叔原題漁樵圖

明 藍智

題漁樵圖

明 僧宗泐

題郭熙畫樵夫渡水扇

宋 文彥博

為疇齋張府卿作樵雲圖

元 馬臻

樵隱圖

元陳樵二首

呂氏樵隱圖

元陳樵

暮嶺歸樵圖

明祝允明

題鄱陽楊蘭谷漁樵耕牧圖

元李祁

欽定四庫全書薈要卷一萬九千一百七十六

集部

御定歷代題畫詩類卷六十八

漁樵類

雪麓漁舟圖

元王冕

大山小山無寸青
長江萬里如月明
楚天不盡鳥飛絕
老樹欲動風無聲
何人方舟順流下
草衣箬笠俱瀟灑
篷底有兒能讀書
不是尋常釣魚者
玄貞子陶朱翁避
世逃名俱已矣
後來空自談高風
我視功名等塵垢
何

似忘言付杯酒武陵豈必皆神仙桃花流水人間有

溪山漁艇圖

元 劉永之

夕陽延莫景秋色遠冥冥流水雙溪綠寒山九疊青石
樓依古木草徑接遙汀釣叟長年在何人問客星

題風雨漁舟圖

元 胡長孺

細柳新蒲春已滿飄風急雨亂如顛漁人若解忘魚意
繫却扁舟臥碧煙

題漁舟風雨圖

元 吳澄

蓑笠寒颼颼一篙背拳曲有人方醉眠酒醒失茅屋

題漁舟圖

元 吳 澄

岸柳青青岸蓼紅兩兒兩嫗兩漁翁當年應笑扁舟客
月夜西施一夕風

漁圖

明 周 用

寒潛急漁師回谿愁泯泯中有九寸鮮無令一朝盡網
絲傷春蠶筍竹折稚笋萬口白喁喁畫者心亦忍

漁圖

明 徐 渭

何人畫秋色蘆花繡如組罷釣睡孤舟月滿瀟湘浦撒
網打魚驚鴈飛釣竿閒挂冷魚磯醉餘正好割鮮膾怪
殺松鱸畫裏肥

書漁舟扇面

明舒芬

蹇驢辛苦走長安十載依然著一冠爭似漁翁江上老
綠蓑長伴白鷗閑

漁舟夜歸圖

明陳顥

罷釣歸來月未明隔籬遙見一燈青不知潮落江風轉

流却扁舟過別汀

題趙子昂秋江漁艇圖

明 貝瓊

朝漁江之南暮漁江之北
朝暮清江邊公侯不相識
西塞山前秋日微
滄波浩蕩釣船歸
老髯何來一相就
鐵笛夜吹彭郎磯

題秋江漁艇

明 陳繼儒

怕將名姓落人間
買斷春江蘆荻灣
幾度招尋尋不得
釣船雖小即深山

馬遠虛亭漁笛圖

元 吳 鎮

虛閣延涼颺，唯聞芳草氣。
漁艇出滄浪，弄笛仍遺世。
山鳥為飛鳴，游魚順流去。
幽人午睡餘，脩然信高致。
何物馬生圖，會得其中趣。
展閱不能忘，賦得工五字。

題畫蘆花漁笛

明 李日華

白石丹楓落照邊，千峰雲靄一江煙。
漁郎短笛無腔調，吹起蘆花雪滿船。

次韻題文太史滄浪漁笛圖

明 張鳳翼

夾岸蘆花雪作叢扁舟長笛弄秋風十年不向山陰過
猶自含酸小幅中

題徐景顏教諭穀江漁者卷

明 邵伯宣

柯山青浸穀江波有客長年披綠蓑釣澤偶膺多士選
講帷仍賦散人歌桃花白鷺忘機久蓴菜鱸魚入夢多
遲子束書歸舊隱水雲深處一經過

周伯清秋江曬網圖

元 李存

曬網夕陽斜攜壺入荻花平生誤識字恨不作漁家

題網魚圖

明倪宗正

白白江波紅尾魚蒲花初發柳花疎江洲日暮忘歸去
江魚上網不知數風雨欲來猶不來簫笠且挂磯頭樹
二漁負罾圖

明屠僑

夜飯未得熟風濤不可罾柴門桑竹雨妻子候寒燈
春波懶漁圖

明李日華

聞說淞陵鱸又肥雨餘沙柳綠霏霏當年屬玉聽簫處
只有孤雲映夕暉

釣魚圖

元彭炳

酒醒船在子陵臺萬壑千巖玉琢開拋却釣魚肩雪落
一雙青鴈恰飛來

輞川釣者圖

明練子寧

家住橫溪上金川似輞川涼風垂釣坐明月棹歌還綠
水雕餐飯金鱗縮項鰕鑑湖如可乞相與頌堯天

釣魚圖

明呂憲

楓香倚青壁魚樂芙蓉浦長溪翁戴笠來舟穩撥蘭漿欲

談世清濁無復三閤丈極目盼流雲滄浪發孤響餘音
遶空谷川綠平如掌呼翁不我磨繫此尊鱸想

釣魚圖

明莊景

溪上春雲與浪飛溪頭春水鯢魚肥野人只是閒無事
日出船來月出歸

釣魚圖

為葉司徒公題

明李東陽

兩舟同行如結鄰兩翁相對各垂綸絲長水遠意不極
俱是江湖閒散身倏無忽有時交詫咫尺煙波不相借

穉子牽絲似有情
前村問酒先論價
江淮以南罾罟多
瀟湘向上皆風波
公家正住魚龍窟
我興即在滄浪歌
滄浪歌長秋日短
野水寒天迷近遠
酒醒高堂看畫圖
黃蘆瑟瑟江風滿

扇上釣魚圖

明賀欽

江上釣魚翁不識家
何處我恨凌溪來
安得與君住

釣魚圖

明陳雷

歌向滄浪獨羨魚
釣竿閒却意何如
磻溪夢裏青山老

猶過君王載後車

題子昂江天釣艇圖

元陳旅

雨餘秋水滿山前正是江南落鴈天
何處故人魚艇小斷蟬疎樹夕陽邊

題盛子昭臨吳興公溪山釣船圖

明虞堪

著我春江聽雨眠鷗波亭下水如天
當時度得參差玉吹起春風滿釣船

為世賢題唐子華釣舟圖

明吳寬

日落長堤古樹陰
漁舟爭放碧溪潯
看渠共理絲綸手
真有前人竭澤心

沈啟南畫漁舟晚釣圖

明文森

新豐酒波堪濯足
塵土紅污酒波綠
粗豪飲客下馬下
三觥五籌行促促
何如並著春江船
蒲葦紫立柳黃眠
船頭釣得縮項鰖
賣之儘可供酒錢
夕陽射眼拉柁轉
江光帖天孤鳥遠

為彭子弘題漁釣圖

元劉永之

彭郎磯畔小茅堂露滿秋林木葉黃石渚水生魚欲上
一江風雨夜鳴榔

題山水釣漁小畫

明程本立

人間萬事一絲輕江上數峯雙眼明老我不歸空看畫
秋風又到洛陽城

春江獨釣圖

前金平陽人
孫子安筆

元王惲

渺渺春江碧若空一絲斜裊釣壇風富春莫擬幽棲穩
已在君王物色中

春江獨釣圖

元倪瓚

春洲菰蔣綠江水自空虛望山以高咏意釣不在魚

春溪獨釣圖

明高啟

春水鰕魚肥垂綸坐斷磯羊裘人易識好著舊蓑衣

題秋江垂釣圖

元趙孟頫

湘江霜冷鴈初飛雲滿君山樹影稀秋色天涯元不盡
扁舟何事不知歸

題秋江垂釣圖

元虞集

曉煙橫樹轉溪灣何事漁舟罷釣還
門外秋風吹葉老
幽人閒看巨然山

題秋江把釣圖

元黃鎮成

獨載輕舸過碧川一綸牽動楚江天
蘆邊有月還吹笛
柳外無風不繫船
留火夜燃湘岸竹
得魚朝送酒家錢
十年湖海真如畫
亦欲狂歌一扣舷

秋江獨釣圖

元吳師道

我冠古服理絲綸恐是玄真輩
行人今日官征算
舟舫

水雲莫倚自由身

題朱澤民秋江獨釣圖

元鄭東

山川無微雲萬物粲可數
長江秋氣至美人在中渚
涼風吹蘭舟木葉下如雨
魴鯉豈必多書卷良可咀
初非與世殊聊以樂空屢

題秋江漁釣圖

明林鴻

移舟向潭石投釣臨寒流
餘懷本澹蕩況此滄江秋
白日既濯濯清飈何瀏瀏
適意非在魚所希與神遊
悠哉

共恬淡惟應沙際鷗

秋江獨釣圖

明王直

蒹葭淅瀝秋雨霜明月照水天蒼茫扁舟靜夜泝空闊
驚起沙邊鷗鷺行釣車不用置在傍此心寧羨鯉與魴
扣舷獨往歌滄浪歌聲激烈增慨慷山中之人遙相望

秋江釣舟圖

明陸深

西風吹滿荻蘆花釀作霜寒啼亂鴉買得釣船如屋裏
只將秋水老南華

寒江獨釣圖

元 袁士元

堪笑江湖幾釣徒
朝來相喚暮相呼
祇今風雪蒙頭處
回首煙波一箇無

寒江獨釣圖

元 唐 肅

非為投竿為好奇
江寒凍折釣翁髭
緣知雪壓篷牕曉
不載魚歸只載詩

獨釣寒江

明 徐 渭

大海有鯨魚
五岳其鼻額
任公釣不來
煩爾一絲雪

空江獨釣圖

為璋
姪題

明陳
炷

一氣團虛亘寥廓天光雲影鏡中落紛紛物態從更變
眼底何如阿翁樂名利不牽身獨閒萬頃滄波百尺竿
溪月江風隨意取星星短髮顏如丹潮來潮去憑此竹
不釣齊璜釣荆玉遊鱗掣破浪花圓款乃一聲山水綠
君不見渭濱人熊羆不入姬文夢百歲風光老釣綸又
不見嚴灘老漢家名節在一絲雲臺事業跡如埽誰寫
斯圖託意深小阮重之輕南金特來索我題佳句薰風

灑灑清煩襟幾向濯清亭子上凭欄相對成惆悵安得
呼酒傾百壺爛醉沙頭續漁唱

題滄江獨釣圖

明
劉基

山繞滄江一釣船又隨斜日下長川小魚不食大魚去
風定遠林生白煙

桐江獨釣圖

明
商輅

拂袖長歌入富春滄江深處獨垂綸短蓑不換軒裳貴
千載高風有幾人

題澄江釣叟圖

明 廖道南

江上青山翠欲流，江頭白浪雨初收。
漁竿夙協磻溪兆，鶴夢曾經赤壁遊。
天外帆檣臨碧海，雲中樓閣即丹丘。
懸知別浦通幽處，自有仙槎汎斗牛。

題田使者玉泉垂釣圖

元 王惲

渭畋應未兆，非熊底是胷。
蟠萬丈虹，辨與澄湖三百頃。
一絲斜裊綠楊風。

題長溪獨釣圖

元 丁鶴年

溪上釣西風心隨溪水東後車今已載何待兆非熊

題宋元凱都市寺為中正堂畫溪山晚釣圖

元 鄭 洪

百畝青山二頃田金溪南畔竹菴前紺園蘆蔔花香澹
寶地杪羅樹影圓日日釣絲牽詩雨年年禪榻對茶煙
郎星昨夜明如月偏照君家書畫船

題雙松獨釣圖

元 陶宗儀

雙松偃蹇水按藍幾疊遙山送碧嵐一葉釣舟輕似葦

短蓑煙雨老江南

次韻趙子野石城釣月圖

宋樓鑰

石城江頭可憐月曾照六朝清夜獵古往今來知幾何
長江衮衮蕭蕭葉謫仙去後詩盟寒王孫詩瘦清藥藥
詩情浩蕩坐無奈扁舟笑把磻溪竿江平風輕波瑟瑟
宿靄卷空天一色東風吹月入長安一卷風流坐中得
初讀神意清再讀胸次平回頭明月祇如故世上興廢
徒紛更想君一葉自掀舞夜靜水寒誰與語船頭有酒

且孤斟莫向金陵重懷古

秋江釣月圖歌

元
袁
桷

南山舞空趨翔鸞北山人立如啼猿長流東來貫其腹
謂是浙水屈曲萬丈之上源大魚奔騰鰭鬣焦小魚委
靡隨江潮中有白玉蟾落落五采凝不消人言此蟾在
天主陰魄淪沒何為水中宅籊籊千尺綸蟾永不受吞
廣寒高居凌紫清日逐烏御不得停愛此江水碧倒空
浴影潛金精感君纏綿如有素瞬息還須上天去君不

卷六十八
聞任公子東海投竿非小智又不聞嚴先生羊裘古瀨
成高名君家慈母占畢逋百尺樓觀端可居黃金之鈎
不復理明月年年在秋水

黃清夫秋江釣月圖

元趙孟頫

塵土染人衣袂煙波著我船
牕為問行歌都市何如釣
月秋江

題黃隱君秋江釣月圖

元范梈

舊識先生隱者流
偶因圖畫想滄洲
斷雲滿路碧牕晚

明月何年青嶂秋世故風塵雙短屐生涯天地一扁舟
何由白石空磯畔招得人間萬戶侯

釣雪圖

元
袁
桷

明月入水底摩盪空江雪昂昂垂綸翁在雪不在月悟
彼玄化理不寐坐明發我舟非無槳我車詎無轍迂儒
守繩樞世胄貫華閥願以千尺竿截為濟川筏

題寒江釣雪

元
馬祖常

欲買韓家舊石淙釣魚竿底是寒江淮南十月蘆葭岸

曾見冰花到小牕

釣雪圖

元薩都拉

天寒日暮烏鴉啼江空野闊黃雲低村南村北人跡斷
山前山後玉樹迷歌樓酒香金帳暖豈知篷底魚羹飯
一絲天地柳花春萬里煙波蓮葉遠風流不數王子猷
清興不減山陰舟人間富貴草頭露桐江何處覓羊裘
還君此畫三歎息如此江湖歸未得洗魚煮飯捲孤篷
江上雲山好顏色

釣雪圖

為文選喬希大題

明呂憲

寒波雪片霏霏雨老漁宿昔扁舟具龍伯宮前擲一絲
細鱗縮項隨煙霧霓竿本解釣珊瑚俗情大笑何曾顧
太平無事用鷹揚惡風白浪弓旌暮蓑笠閒吟柳柳州
眼中枉費頻招呼我待明年春水時去逐桃花傍巖住
寒江釣雪

明周復俊

嵐雲凍不飛江水明素練千林冥若空遙峰隱還見漁
歌巖下起落日聲猶轉

寫立釣圖

明 李日華

遊魚得餌喻復吐立釣纔知縱與沉雲影自移山自靜
由來不礙樹邊吟

題罷釣圖

明 張鳳翼

輕鷗飛鷺漫沉浮未晚停撓紅蓼洲明月滿船君莫笑
有風波處不垂鈎

罷釣圖

為翟少參
文光題

明 楊基

畏途萬里費經遊到處紅塵沒馬頭何日釣竿從此老

也分一片荻花秋

題鐵仲堅宣差所藏羅稚川煙村圖

元劉詵

荒村漠漠煙連山誰家野店兩樹間青帘稍出樹梢外
秋風敗葉寒斑斑路通白石流水亂長橋縹緲依山澗
漁姑得酒歸意速攜稚渡橋如落鴈寒藤老木又一川
曾船方饌曾斜懸有魚有酒復有客風致何必能詩篇
亂鴉幾點天疑暮欲泊未泊環高樹小舟七八散前灘

或倚長篙收釣具君不見鷗夷一舸遊五湖子陵羊裘
釣桐廬安知若人非其徒

彷徨巨然煙艇

明
李日華

煙山煙樹又煙沙翠綠茫茫何處家只有漁翁知活計
水天空闊傍蘆花

題劉光朝小景圖

元
陳泰

江雲慘淡江風驕欲行不行誰度橋舟中漁父晚更急
賣魚歸來醉無力漢陽城郭鸚鵡洲我昔曾泛馮夷秋

如今此景是何處擬向劉郎辨煙樹

題小景

明張以寧

雀啁江頭秋稻花顛風吹柳一行斜
漁舟細雨獨歸去白石滄江何處家

題子昂畫

明王達

闕下歸來覓釣舟黃金帶重雪盈頭
鯉魚風起芙蓉落一縷絲懸玉鏡秋

題小畫

明謝矩

撒罷絲綸漾小舟
綠陰祇在水西頭
得魚換酒尋常事
日暮歸來且暫休

小景

明 祝允明

濃雲壓嶺雨初至
密葉障林風更多
只有漁翁能了事
一枚圓笠半肩蓑

為王章甫畫

明 李日華

黃葉陂深隱釣舟
蓼花瑟瑟水悠悠
鷓鴣睡熟漁翁醉
偷取瀟湘一段秋

跋武元直漁樵閒話圖

奎趙秉文

兩翁久忘世木石以為徒偶然相值遇風月應指呼廢
興非吾事胡為凡區區但覺腹中事似落紙上圖一以
我為漁神遊渺江湖一以我為樵夢為山澤臞形骸隨
所遇何者為真吾尚忘彼與此況復朝市娛西風下落
日渡口炊煙孤無問亦無荅長嘯歸來乎

漁樵閒話圖

元王惲

艤舟弛擔兩欣然千古興亡話眼前忘却前溪歸路晚

暝煙橫合碧山巔

漁樵問答圖

元 袁 桷

翠嶺邀黃鳥蒼波翫白鷗偶因平地坐始識世間愁

漁樵問話圖

明 楊 基

君收綸我停斧且向谿頭話今古屈宋文章爨下新韓
彭事業庖中鮒世上功名賤如土何須了了文兼武君
貫魚我負芻有酒可換不可沽青山滿眼同一醉勿論
區區榮與枯

漁樂樵隱二圖

為吳隱君題

明儲巵

鷗波濯足柳維舟
閱盡滄江到白頭
偶與野人相話及
夜來閒夢入西周

黃帽青鞋懶折腰
擬隨麋鹿住山椒
少年操斧曾傷手
只傍風林拾墮樵

題樵漁圖

二首

元貢師泰

長松如蓋復如輪
袒腹支頤倚樹身
誰謂樵夫避辛苦
乾坤許我一閒人

一蓑煙雨一竿風江海茫茫望眼空不是渭陽曾遇獵
世間誰復識漁翁

為陳叔原題漁樵圖

明藍智

武夷老人年七十晝業漁樵夜妻織有兒長大不讀書
采山釣瀨供衣食此翁自是神仙徒牀頭酒香不用沽
生逢太平少征斂雖有生產無官租昨朝自携書一束
過我衡門看秋菊新圖蒼莽煙水寒復有疎篁間枯木
一客負薪山路長一客榜舟漁在梁荒村無人日未落

偶坐有意俱相忘知君老去猶愛此能以安閒遺孫子
愧我十年塵土閒按圖欲借溪南山

題漁樵圖

明

僧宗泐

兩客此相遇百年天與閑
艤舟臨碧岸吹笛對青山
怪樹依巖老幽花笑日殷
畫圖誰不羨塵土自摧顏

題郭熙畫樵夫渡水扇

宋

文彥博

淺水深山一徑通
樵夫涉水出林中
可憐畫筆多情思
寫在霜紈一扇風

為疇齋張府卿作樵雲圖

元馬臻

喧寂本異軌，乃知靜者心。
清晨整芒屨，斧斤入山林。
擔挑煙霞氣，出沒窮幽深。
終南太華長，入眼蕭蕭不斷松。
濤響靜觀天地生，化機抱膝無言坐。
成晚昔日曾稽朱買臣，汲汲行吟背負薪。
輕將富貴博幽意，野風吹老青山春。
碧桃花底煙光莫，應見仙人著碁處。
時清不用歌紫芝，獨自穿雲下山去。

樵隱圖 二首

元陳樵

清晨執柯出負薪薄暮歸豈無登頓勞獨與憂患違山
深雲冉冉樹密芳菲菲猿鳥久相狎世事俱忘機
買臣昔採薪頗似遠名利何事五十年却復懷富貴古
來樵牧間多非隱淪地寄言謝君子無使心跡異

呂氏樵隱圖

元陳樵

山靄氤氲溼綠叢無人空谷伴狂歌千年甲子碁邊老
兩字功名世外多乳鹿穿雲覓芝草驚猿抱子度烟蘿
心閒便是神仙侶莫對癡兒說爛柯

暮嶺歸樵圖

明 祝允明

吳山嶺頭風蕭蕭吳山落日紅抹腰蜿蜒鳥道自能認
只在中非市朝燒新煖酒換魚煮五十行歌氣如虎
朱翁側足金馬門吾儂未舍無媒路

題鄱陽楊蘭谷漁樵耕牧圖

元 李 祁

我家雲陽東衣食在漁稼朝耕白雲邊暮釣青溪下有
時逐樵牧談笑至昏夜自云此真樂此樂天所借亂離
寄他鄉奔走不遑暇蹉跎幾經年及此見圖畫蒼茫指

顧中彷彿在田舍四事苦難併苟得亦可詫何時賦歸
來雞豚饜春社

御定歷代題畫詩類卷六十八



總校官庶吉士臣侍朝

校對官庶吉士臣徐如澍

謄錄監生臣楊搢